

RNI 68092/83 Regn. No. N.E. 1024

From

Synod Literature & Publication Board

Synod Office, Mission Veng

Aizawl – 796 001, Mizoram

Phone : 2324590



E-mail : slpb@rediffmail.co.in

Vol. XXV No. 332

NEWSLETTER

May, 2011

PYF INKHAWMPUI VAWI 19-NA HLAWHTLING TAKA HMAN A NI

India ram Presbyterian Kohhran (PCI) hnuaiia Ṭhalai Pawl Inzawm khawm, Presbyterian Youth Fellowship-in kum khat dan, a kum hnihna zela Inkhawmpui (Biennial Conference) an hman ṭhin chu April 29- May 1, 2011 chhung khan Chandmari Kohhran Biak In, Aizawl-ah hman a ni a, tun ṭum Inkhawmpui hi a wawi 19-na a ni. PCI hnuaiia Synod pariatah hming hran hran vuahin Ṭhalai Pawl an ding hlawm a. Chungte leh tun ṭuma an kal dan chu hetiang a ni: KJP Sepngi Synod hnuaiia Jingiaseng Samla aṭangin - 116, Mizo Synod hnuaiia ding Kristian Ṭhalai Pawl aṭangin 92; KJP Mihngi Synod hnuaiia Jingiaseng Samla aṭangin - 58, Zou Synod hnuaiia PYF aṭangin 29, Ribhoi Synod hnuaiia PYF aṭangin 28; Cachar Hill Tribes Synod hnuaiia PYF aṭangin 24; Biateram Synod hnuaiia Kristian Vanglai Pol (KVP) aṭangin 20, Manipur Synod hnuaiia PYF aṭangin 18.

Heng Ṭhalai Pawl pariat bakah hian associate units pali an awm a, chungte aṭanga palai kal dan chu hetiang a ni: Kristo Jungbo Sangho (KJS), Barak Area aṭangin 20; Assembly Administrative Area - KAGAAA (Karbi Anglong) aṭangin 20, Tripura PYF aṭangin 7. Associate unit zinga Meitei Presbyterian Christian Naharup (Manipur) aṭangin palai kal thei an awm lo thung. PYF Central Committee member 8 leh Resource person 3 leh Presbyterian Women Fellowship aiawh 4-te nen palai kal chhinchhiah chu 477 an ni.

Inkhawmpui chhungin Pathian biak inkhawm ṭum nga neih a ni a. Thupui chu **“Kan tuar chuan, a reorelnaah ro kan rel ang”** (*Endure, and reign with Him*) (II Tim. 2: 12) tih a ni a. A ṭan zanah Rev. Zosangliana Colney-in thupui a sawi hawng a; Inrinni zan, Pathianni chawhma leh chawhnu-ahte Speaker atana ruat, Rev. WC Khongwir (Administrative Secy., KJP) te, Rev. Dr. Vanlalnghaka Shillong leh Rev. Lalramliana Pachuau (Administrative Secy., PCI) ten thupui hi ngaihnaawm tak takin an sawi a ni. April 30 (Inrinni) zing karah Rev. B.B. Maikhap, Ribhoi Synod-a mi hovin Bible zirna hun hman a ni a, a tūk Pathianni zing karah PCI Gen. Assembly Moderator Rev. Dr. L.S. Khawbung-a’n Lalpa Zanriah Sakramen a ṭheh bawk. April 30 zan inkhawm banah mahni hnam thil (lām, zai, etc) entir a ni a, a tawp zanah rimawi hmanga fakna inkhawm hman a ni bawk.

THUREL TLANGPUI

1. ‘June thla Pathianni hmasa ber hi **Environmental Sunday** atana hman’ remtih a ni a. Hemi atana ṭul chu PCI General Assembly-a thlen turin PYF Central Committee kutah dah a ni.

2. PYF Central Committee-a OB awmte kum bi thlih PYF Inkaihhruaina buin a tarlan, kum 30 chin tih chu siam remin PYF member atana kum bi thlih kum 14 - 40 hi hman tawh tura tih a ni.

3. Biennial Conference thleng lehtu tur chu Kristian Vanglai Pol (Biateram Synod) an ni ang.

4. Youth Camp neih tura ruahman a ni a, KAGAAA (Karbi Anglong) PYF-in November 2012-ah an thleng ang.

5. Sum hmuh leh hman tura ruahman, Rs. 3,11,000/- (2011 - 12) leh Rs. 3,11,000/- (2012 - 13) pass a ni.

HRAUITU THARTE: PYF, hruaitu 2011-13 atan heng mite hi thlan an ni:

Leader	: Rev. Dr. K. Lallawmzuala (CKTP)
Asst. Leader	: Rev. Remsiana Ngamlai (CKVP)
Secretary	: Rev. T.T. Diengdoh (JSKJPS Sepngi)
Asst. Secretary	: Mr. Francis Lalnuntluanga (MPCN)
Treasurer	: Elder Monsing Suchiang (CHT)

COMMITTEE MEMBERS

1. Mr. Zohmangaiha	2. Pro-Pastor K. Laloo Sari
3. Mr. Lalrothang Ṭhiek	4. Pro-Pastor Lalramthara
5. Miss. Diamon Nongsiej	6. Rev. B.B. Markhap
7. Mr. Th. Baite	8. Pro-Pastor Kaimuanlal
9. Mr. H. Lalfakawma	

Tun ṭum Conference-ah hian Kohhran leh Bial Zaipawl zai tura ruatte an zai ṭha hlawm hle a, thu sawi leh thil dang reng reng pawh a ṭha viau vek a ni. Central KṬP (Mizo Synod) aiawha thlengtu Chanmari Kohhranin hneh leh zo takin an thleng a, kum dang aia hlawhtlinga an hriat thu palaiten an sawi nasa a, Pathian leh a thlengtu Kohhran chungah an lawm hle.



Editorial Staff

Rev. Thangzauva Upa H. Ronghaka
Rev. B. Lalngkhakliana
Upa C.H. Thangkhuma

Mihringte hi Pathian anpuia siam kan ni vek a, Pathian chuan ang khat vekin min en a, min enkawl bawk. Mihringte erawh chuan Pathian rilru kan tawmpui phak lo va, kan mihringpuite chu an in leh lo azir te, an silh leh fen hâk atang te, an hausak leh retheih azir tein kan en sangin kan en hniam thin. Miin Pathian a hriat dan angin a nung a, a mihringpuite a en dan pawh chu a Pathian hriatna dan chuan a kaihuai thui hle. Miin Pathian a hnaiha a zah poh leh a mihringpuite a zah thiam thin.

PRESBYTERIAN SCHOOL THA THLAN

April 26.2011 khan J.M. Lloyd Hall, Synod Office Top Floor-ah Presbyterian English Medium School tha thlante hnenah lawmman sem a ni a. Hemi puala inkhawm hi Rev. Zosangliana Colney, Executive Secretary i/c Education-in a kaihuai a. Rev. Mangchhuana Sailo, Presbyterian School Supervisor-in report a pe a. Pi Esther Lalruatkimi, Secretary, i/c Education and Director of School Education, Govt. of Mizoram chu khual lian a ni a. Lawmman sem pahin thuchah a sawi nghal bawk a ni.

Presbyterian School tha thlan chhuah pakhatna Sialhawk Presbyterian School-in Rs. 15,000/- a dawng a; pahnihna, Republic Presbyterian School-in Rs. 12,000/- a dawng a; pathumna, Dawrpui Vengthar Presbyterian School-in Rs. 10,000/- a dawng bawk. Heng bakah hian School 13-in Consolation Prize Rs. 5,000/- theuh an dawng bawk.

PRESBYTERY THAR HAWN A NI

Nikum Synod Inkhawmpuiin a lo rel angin Aizawl Chhimthlang Presbytery chu May 7, 2011 (Inrinni) khan Mission Vengthlang Kohhran Biak Inah Synod Moderator Rev. C. Lalsangliana a hawng. He Presbytery thar hi Aizawl Chhim Presbytery atanga Bial pali la chhuaka siam a ni a, Bungkawn Bial, Khatla Bial, Mission Vengthlang Bial leh Maubaw Bial te an awm.

Presbytery thar hawn inkhawmah hian Aizawl Chhim Presbytery Secretary Upa Lalhmuchhuakan Presbytery thar chanchin sawiin Moderator Pastor R. Lalengmawian Presbytery thar puala tawngtaina a hman a ni. Presbytery thara Puipate chu a hnuai mite hi an ni -

Moderator : Upa C. Hmingthanga, MSVT
Secretary Sr.: Upa Dr. Vanlalzara, Khatla
Secretary Jr.: Upa Liansailova, Bungkawn
Treasurer : Upa F. Thanghulha, Model Veng
Statistical : Upa B. Thanliana, Maubaw West

SYNOD REVIVAL KALPHUNG ZIRHONA

May 5, 2011 khan nilengin Synod Revival Committee huaihawtin J.M. Lloyd Hall, Synod Office-ah Synod Revival rawngbawlina kalphung chungchanga inrawn khawmna (Consultation) buatsaih a ni a, Aizawl khawpui chungchanga Presbyterian Kohhran tin atangin Pastor leh Pro. Pastor bakah Kohhran Upa pakhat theuh tel tura sawm an ni a, Pastor 24, Kohhran Upa 110, Tual Upa 3 leh Pro. Pastor 3, an zavaiin 140 an kal thei. Chawhma lamah Rev. C. Lalsangliana, Synod Moderator-in kaihuaiin Rev. R. Lalchangliana, Director, Synod Revival Department-in "Synod Revival Rawngbawlina" tih thupui hmanga paper a buatsaih a chhiar a, hemi hnu hian thupui huang chungchanga hian sawihona hun hman zui a ni.

Chawhnu lam session hi Rev. Zosangliana Colney, Executive Secretary-in a kaihuai a, 'Synod Revival Rawngbawlina Kohhran a nghawng dan,' tih thupui, ATC-a Associate Professor Rev. Rosiamliana Tochhawng ziak zir ho leh a ni. Sawihonaah sawi inchan lo khawpin ding duh an thahnem a, an thu chhawp chhuahte hi Synod Revival Committee chuan a thlir zui dawn a ni.

Thlarau lam nuna intihrahna lama hma lakna Revival chungchanga hian sawt zawka hma lak dan tur ngaihtuah reng a ni a, May 24-26, 2011-a Pastor-te Intuai tharnaah pawh 'Revival bih chianna' tih thupui zir leh sawi ho tura ruahman a ni.

ADMISSION NOTICE

Presbyterian Hindi Bible School, Bawngkawnah Batch 48-na (Zir hun chung: July -13 - Dec 7, 2011)-a zir duhte tan dil theih a ni leh ta e. Dilna chu plain paper -a ziaikin a hnuai hming ziak hnenah July 12, 2011 thlang theh luh theih a ni.

Hriat turte : Diltu chu Hindi-a tawng thei leh chhiar thiam, Kohhran Dan zawhkim a ni tur a ni. Dilna lehkhah Kohhran/Fellowship/Field Secretary etc. hriatpuina lehkhah thil tel a ngai. Ram chung leh pawn (Mission Field) atanga zirlai tirtuten an mi tirhte School-a an awm chungchanga dam loh nikhuua enkawlina leh haw lehna tura senso thilah Local Guardian/Sponsor ngaihtuahsak tur a ni.

Zir tur (student)/Guardian-te chuan heng- Hindi Holy Bible, Hindi Hlabu thar, Non Mizo S.S. zirlaibu, exercise books, stamp size photo - 2 nos., bedding, mosquito net, mug & bucket, shoes, nihliap, kawrlum, torchlight te leh haw lehna senso tum tur a ni. Diltu chu natna benvawn nei lo a ni tur a ni.

Principal's Office, Presbyterian Hindi Bible School, Bawngkawnah July 13, 2011, 11:00 a.m.-ah interview neih a ni ang.

Contact No.
Pu K. Vanthuama
Warden
Ph. No. 8974770778

Sd/-
(Rev. John Sharma)
Principal,
Presbyterian Hindi Bible School
Bawngkawnah, Ph. No. 0389 - 2341172



A sumtualala Râl Vêngtu a hawi vang vang lai chuan thian dun hi an lo kal a, a hnenah. "Râl Vêngtu, eng chu i ngaihtuah maw, lah hawi vang vang che a?" an ti a. Râl Vêngtu chuan, "Sual ral (Terrorists) chet dan leh beih dan tur ka ngaihtuah alawm maw le," a ti a. Mite chuan, "I ngaihtuah dan chu min hrih teh," an ti a. Ani chuan hetiang hian a hrih a -

1. Setana tirkhohte an ni bawk a. An hmelma te (ringtute) panna lai te, an itzawng te, an nuam tihzawngte an dap an dap a, chung an dap chhuah hnu chuan mi an bei thin a. Thalaite chu zanah an bei ber a, nu leh pate chu office-ah te, mut hmunah te an bei thin.

2. Thian tha tak anga insawiin, lainattu anga inlantirin, tawngkam thlum hmangin, fak derna nen mangkhawng kam ru siin mi an thlem a, an lam tanga an siam theih hlauh chuan an lawm em em a, siam thei lo mah se, an bum hlum der chuan an lawm ting mai emaw tih tur a ni.

3. Bumtu vervekte hian nuam awma lang te, tha awma lang te, dik awma lang te hmangin mi an bei thin a; kawng dik ni awm taka lang, a tawp thihna kawng ni si-a an kaltir theih pheih chuan kut an beng a, an Hallelui hial thin!

Heng mite beih dan tur chu - an rin loh anga awm te, an tih dik loh hriattir te, an sual man a bura an la khum tur thu hrih te; engkima fimkhura, tawngtaia inveng chung a rinna phaw lak te a ni. Chung chuan mi sual leh a thal alh thei pawh hnehin an awm ang.

Thian dun pahnih chuan, "Râl Vêngtu Setana leh a hote beiha hneh dan thuruk min hrih avangin kan lawm e," an ti a.

PASTOR-TE INTUAI THARNA

Kum khat dana hman thin Mizoram Presbyterian Kohhran hnuiaia ordained Minister/Pastor-te intuitai tharna (Pastors' Retreat) chu May 24 - 26, 2011 chung hian Aizawl Theological College-ah hman a ni dawn. Retreat Thupui "TUNLAI HUNA KOHHRAN MAMAWH" tih chu kawng hrang hranga thenin sawi/zir ho a ni ang.

Hun hman dan tur ruahman lawk tanga a lan danin a tan zanah Rev. Vanlalzuata, Sr. Executive Secretary-in Keynote Address a sawi ang a; a tukah 'Revival bih chianna' tih leh 'Pastor & Materialism' tih thupuite zir ho a ni ang. Ninganiah 'Kohhran Humhalh' tih thupui leh thupui thawh khawmte zir ho leh a ni ang a, zanah Synod Moderator-in Inthlahna Thuchah a sawi ang. Heng bakah hian zing kar leh zanahte thuchah ngaihthlak thin a ni bawk ang. Retreat-ah hian Pastor/Minister thawk laite leh pension-a chawl tawhte tel vek tura beisei an ni.

PRESBYTERIAN HOSPITAL, DURTLANG APRIL, 2011 CHHUNGA THILPEK DAWNTE

I. CHARITY FUND

1. Sairang Presbyterian Kohhran	Rs. 10,000
2. Chhinga Vengthlang Kohhran Hmeichhia	Rs. 10,000
3. Sakawrtuichhun Presbyterian Kohhran	Rs. 3,000
4. Saitual Chhim Veng Kohhran	Rs. 2,000
5. Thenzawl Bial Kohhran Hmeichhia	Rs. 2,000
6. Model Veng Kohhran, Aizawl	Rs. 6,086
7. Pi K. Thanhli, Cachar Kahrawt	Rs. 3,000
8. Pi Romangi, Chawilung	Rs. 2,000

TOTAL

Rs. 38,086

II. THISEN PETE

1. KTP, Lengte Branch	14 Units
2. KTP, Ramhlun Vengthlang Branch	30 Units
3. KTP, Aibawk Bial	37 Units
4. SAY, Chaltlang Corp	41 Units
5. KTP, Saitual Chhim Veng Branch	59 Units
6. KTP, Venghnuai Bial	83 Units
7. KTP, Thakthing Branch	41 Units

TOTAL

305 Units

III THIL DANG :

1. KTP, ITI Veng Bial	Rs. 3,000/-
2. Bukpui Bial Kohhran Hmeichhia	Hmunphiah 157
3. Pu K. Zamliana te nupa, Zonuam	Water Filter 1
4. KTP, Keifang Mel Veng	Hmunphiah 32
5. KTP, Serkhan Branch	Hmunphiah 90
6. Upa C. Hmingthanga te chung, Mission Vengthlang	Holy Bible 2
7. KTP, W. Phaileng Chhim Veng Branch	Hmunphiah 43
8. Rengtekawn Bial Kohhran Hmeichhia	Hmunphiah 318
9. Saitual Bial Kohhran Hmeichhia	Swabstick thahnem tak
10. Hnahthial Bial Kohhran Hmeichhia	Hmunphiah 60
11. Hmuntha Bial Kohhran Hmeichhia	Hmunphiah 49
12. Ramthar Committee, Sawleng Kohhran	Hmunphiah 65
13. KTP, Baktawng Bial	Hmunphiah 181

Thilpek min petute zawng zawng chungah Pathian hmingin lawmthu kan sawi tak meuh meuh a ni.

Sd/-

(REV. LALBIAKHLUNA)

Chaplain, Presbyterian Hospital

LAY DAY 2011

Mizoram Presbyterian Kohhran Synod hnuiaia thawk, ordained minister ni lo, Aizawl khawpui chungah awmte Synod Lay Workers' Fellowship (SLWF) chuan kum tina an hman thin Annual General Meeting chu May 27, 2011 khian PC Girls' School-ah an hmang dawn a. Presbyterian Communications Department leh PC Girls' School-in an thleng ang. 'Lay Day' tia sawiah hian Thupui pawimawh tak tak sawi thin a nih bakah hlim taka zaihona leh intihhlina hunte hman thin a ni a, thawktute inhriat tawna leh inpumkhatna atan a tanga hle.



Thenzawl Field veng Kohhran chuan February 19 - March 31 chhung khan Gospel Thunder Team ruaiin Gospel Camping chhawng ruk an buatsaih a, puitling 2,268 leh naupang 950 an lut a. Pathian thu avangin khawtlang boruak a nawm phah hle. Damna inkhawm buatsaih a ni a, Speaker Pu Lalramliana hmangin cancer, zeng leh natna khirh tak tak tuarten Pathian tihdamna an chang.

Lenchim Kohhran chuan March 26 - April 10 chhung khan Pu C.Lalnunsanga, Joshua Operation Team ruaiin Camping chhawng hnih an buatsaih a, Kohhran dang ațang pawhin mi eng emaw zat an lut a, Biak In thleng phak loten harh tharna an chang a, ringtu khup zawi leh ban uai thla tawhten chak tharna an chang baw a, Kohhran boruak a nuam hle.

Sihphir Venglai Kohhran chuan March 5 - April 17, 2011 chhung khan Dintharlehna Team Speaker Tv. C. Zairemmawia ruaiin Camp chhawng thum an buatsaih a; Pathian hnathawh ropui tak a thleng a, Kohhranhoten an hlawkpui hle.

Hualtu Presbyterian Kohhran leh Khawtlang in March 28 - April 14 chhung khan Gospel Thunder Team Speaker Pu R. Zaihmingthanga ruaiin Chhandamna Camping chhawng thum leh Naupang Lang Camp an buatsaih a; he Camp-a lut hi mi 370 an ni a; Kohhran pawl dang ațangin mi 140 an lut baw. Khawtlangah leh Kohhranah Pathian hnathawh ropui tak a thleng a, ruhi theih thil ti thin eng emaw zat an piangthar a. Sum thianglim lo ațanga bungrua leh thawmhnaw leite la khawmin an hal ral a; Khawtlang huapin Pathian hnena lawmthu sawina ruai hlim taka theh nghe nghe.

Murlen Kohhran chuan April 18 - May 1, 2011 chhung khan Gospel Revival Team speaker Pu C. Lalramthara ruaiin Crussade an buatsaih a. Kohhran pawl dangte pawhin an chhim a; tihdam rawngbawlna buatsaih a ni baw a; Kohhranhoten an hlawkpui hle.

SYNOD REVIVAL CAMPING CENTRE-A TUIZEM LEH KHUM PE (DONATE)-TUTE

TUIZEM PETUTE	Pek zat	Rs.
1. Pu B.T. Sanga hriat reng nan a nupui, Pi Vanthangpuii, Mission Veng pek	1	17,000
2. Upa R. Zaphunga, Bungkawn hriat reng nan, a tu leh fate pek	1	17,000
3. Upa R. Rozika hriat reng nan, a nupui, Pi Vanlalmawii, Aizawl Venglai pek	1	17,000

KHUM PETUTE

1. Champhai Kahrawt Kohhran	2	2,000
2. Upper republic Kohhran	5	5,000
3. Tlungvel Vengthar Kohhran	1	1,000
4. Mualpui Police Kohhran	1	1,000
5. Saitual North Kohhran	1	1,000
6. Mission Veng Kohhran	20	20,000

7. Suangpuiawn Kohhran	1	1,000
8. Bairabi South Kohhran	1	1,000
9. Hmunthar Kohhran	2	2,000
10. Bukpui Kohhran	1	1,000
11. Vairengte Kohhran	1	1,000
12. Kawrtethawveng Kohhran	1	1,000
13. Armed Veng North Kohhran	2	2,000
14. Tuikhuahtlang Kohhran	2	2,000
15. Mualpheng Kohhran	1	1,000
16. Hualngohmun Kohhran	1	1,000
17. Zemabawk Vengthar Kohhran	2	2,000
18. Champhai Zotlang Kohhran	5	5,000
19. Phulpui Kohhran	1	1,000
20. Phullen Kohhran	1	1,000
21. Ngopa Kohhran	3	3,000
22. Chhinga Veng East Kohhran	2	2,000
23. Lenchim Kohhran	1	1,000
24. Kelsih Kohhran	1	1,000
25. Melthum Kohhran	1	1,000
26. Chhingchhip Mualpui	1	1,000
27. Thakthing Kohhran	10	10,000
28. Bungkawn Kohhran Hmeichhia	5	5,000
29. Lili Veng Kohhran Pavalai	2	2,000
30. Lalawmpuia Lungen, Venghlui	3	3,000
31. Pu Lalsangliana, Dinthar	1	1,000
32. Pu H. Thanga-te chhung, Zomi Agencies, Bawngkawn	2	2,000
33. Pu Zazawna, Chanmari - a nu leh pa, Rema leh Nupuii hriat reng nan	1	1,000
34. Pi Lalzarzolianni, Bungkawn Tuikhur Veng	1	1,000
35. Pu Lalsawmliana Sailo-te nupa, Bungkawn Dam Veng (Ram hralhna)	7	7,000
36. Pi Lalchungnungi hriat reng nan	3	3,000
37. Robert L. Pachuau leh Chawngthanpari hriat reng nan	2	2,000
38. K. Zohmingthanga hriat reng nan	5	5,000
39. Pu B. Lianthanga, Republic	1	1,000
40. R.T. Chhinga, Kawnpui Hmar Veng hriat reng nan	1	1,000
41. Upa R. Zaphunga, Bungkawn hriat reng nana a tu leh fate thawh	3	3,000
42. Pi Kapkimi, Bungkawn Dam Veng	10	10,000
43. Robert Lalchungnunga, Zarkawt	5	5,000
44. Upa CR Vanlalvenate nupa, Vairengte Chhim Veng	1	1,000
45. Pu Lalkherha hriat reng nan Biate Kohhran	5	5,000
46. Pu R. Laldawla-te chhung, Ramhlun 'N'	2	2,000
Tuizem pe 3 leh khum pe 131		1,82,000

Hengte hi kan dawn tawhte an ni. Kohhran leh mi mal, pawl anga thahnemngai taka thawhtute zawng zawng chungah lawmthu kan sawi e. Rilrua a thawh dan ang zelin, a thawh theite tan Revival Department, Synod Office-ah pek theih reng a ni e. Khum pakhat siam nan Rs. 1,000/- a ni e. Thla leha **thutthleng petute** rawn tarlan leh a ni ang.

Sd/-

REV. R. LALCHANGLIANA

Director

Synod Revival Department

Thlur (column) lehlamah zawm a ni ↗